



## Universitätsbibliothek Paderborn

**Consultationes Theologicæ Et Spirituales Christiani verè  
fidelis & verè devoti ...**

... De Excellentiis Jesu Christi Dei-Hominis

**Louis François <d'Argentan>**

**Augustæ Vindel. ; Dilingæ, 1723**

**VD18 80217931**

Art. III. Qua ratione necessarium sit, ut satisfaciamus ipsimet cum Jesu Christo & per Jesum Christum pœnæ peccatis nostris debitæ.

**urn:nbn:de:hbz:466:1-45509**

debitis, ut posuerit se in locum  
mei, ut toleraverit pro me, quod  
tolerare debebam ceu supplicium  
meorum criminum, quodque  
tandem satisfecerit plenè pro me,  
& etiam superabundanter; & mo-  
dò dicens, quod oporteat me, quo-  
que pati cum illo. An igitur satis-  
faciendum est mihi ipsi? Quid  
ergò juvat, ipsum passum esse pro  
me, si adhuc puniri debeam, cum  
que ipso pati? Est idem ac si mihi  
diceres: revertere & redi ad eum,  
qui extraxit te è tuo carcere. Vah!  
cur posuit se illuc, si illuc esse non  
velit? Et similiter, cur JESUS Christus  
pati voluit in Cruce amore  
mei, nisi ut ego non patiar?

Quid inquis, reposuiti subi-  
racundè Ecclesiasticus? probè  
adverto, colloquium tibi fuisse  
cum quopiam hæretico, tèque ip-

fius afflatum veneno perversam  
aliquam concepisse animo sen-  
tentiam: siquidem homines ejus-  
modi carni & sensibus prorsùs ad-  
dicti, ut arceant à se rigida poenitentia  
opera, egregiam hanc pro-  
tulere in medium Philosophiam,  
quod, ut plus honoris attribuatur  
JESU Christo, permettere oporteat  
ipsum pati solum, absque eo, quod  
cruciatum ipsius aliquam nobis  
assumamus partem, quod permit-  
tenda sit ipsi soli satisfactio rota,  
citra id, quod & nos admoveamus  
manum; & idè fugillant ri-  
gores vitæ austerae & actus poenitentia,  
quos nuncupant satisfac-  
tiones humanas, quibus homines  
prætendant salvare seipso, qui-  
que injuriam faciant Passioni Re-  
demtoris. Oportet tibi demon-  
strare hujus errorem, tèq; docere.

## ARGUMENTUM.

*Quâ ratione necessarium sit, ut satisfaciamus ipsem cum JESU Christo & per JESUM Christum penitentia nostris debite.*

### ARTICULUS. III.

Nostra salus  
non est opus  
Dei solius.

Sunt quædam, quæ facit Deus  
solus absque concursu nostro  
veluti magnum opus Creationis  
nostræ: non expetiit ipse conser-  
sum nostrum, ut extraheret nos  
ex abysso nihili, fecit id ipsem ex  
sola bona voluntate suâ, nosque  
nihil ex parte nostrâ hic addidi-  
mus. Sunt autem & alia, quæ fa-  
cimus nos soli absque concursu  
Dei, veluti peccata; monstra hæc

sunt opera solius nostræ malæ  
voluntatis, ex parte suâ nihil hic  
contribuit Deus. Alia insuper  
sunt, quæ Deus non facit absque  
concurso nostro, quæque etiam  
nos facere non possumus absque  
concurso Dei, veluti est ingens o-  
pus salutis nostræ. Hoc est effa-  
tum S. Augustini tam exploratū,  
ut in omnium versetur ore: *Qui S. Augustinus  
creavit te sine te, non salvabit te sine te.*  
Quan-

I. Cor. 3.

Quando S. Paulus ad Corin-  
thios scripsit, quod simus coadju-  
tores Dei, non solum dicere vole-  
bat, quod ipse ex officio Aposto-  
lati sui navaret cum Deo ope-  
ram conversioni peccatorum, sed  
quod quis ex nobis ligillatim  
posset & debeat se dicere coadju-  
torem Dei respectu propriæ suæ  
salutis, eoque nunquam hanc  
Deus solus operatus sit absque  
concurso nostro.

Verum est quidem, nos facere  
nil posse absque IESU Christo, si-  
cut ipsem nobis declarat in E-  
vangelio: *Sinè me nihil potestis facere.*

Joan. 15.

Nihil possu-  
mus facere  
absque IESU  
Christo, nec  
ipse salvare  
nos potest  
absque nobis.

Sed verum quoque est, quod ipse  
nil facere possit absque nobis pro  
obtenu salutis nostræ, eoque  
necessariò requirat consensum  
nostrum, concursum nostrum,  
cooperationem nostram, sinè quā  
ipse, quamvis Omnipotens sit &  
infinita ratione dives in miseri-  
cordia, nunquam alicujus opera-  
bitur salutem. Et si liber voluntat-  
um nostrarum concursus neces-  
sarius non esset, si non nisi requi-  
ratur pro salute nostrâ voluntas  
Dei, cur omnes homines non sal-  
varentur, quin periret ullus? Non-  
nè ipse vult salutem omnium?

nonnè mortuus est pro omnibus?

nonnè meritus est, nonnè satisfe-  
cit pro omnibus per magnum  
Passionis suæ sacrificium? Et ni-  
hilominus non omnes salvantur,  
eoque sola voluntas Dei non  
sufficiat pro salute hominum:  
requirit ipse consensum & con-  
cursum voluntatis illorum; &  
quia plerique hunc denegat, pler-  
ique damnantur ex sola culpa sua,  
contra voluntatem IESU Christi,  
qui ipsorum volebat salutem.

Certum igitur est, quod mag- Requiritur  
num opus salutis peccatorum ab- consurus  
solutè dependeat à concursu dua- duarum vo-  
rum voluntatum, illâ Dei, & illâ luntatum ad  
hominis. Illa Dei est causa prima- operandum  
ria & principalis, illa, quæ submi- salutem nos-  
nistrat omnem virtutem necessa-  
riam pro magno hoc effectu: sed  
illa hominis est causa secunda,  
quam recipere oportet sacros  
motus, influxum & virtutem  
causæ primæ, hancque impende-  
re ad concurrentem vere cum  
illâ ad eundem effectum; & con-  
cursus duarum harum voluntat-  
um ita necessarius est, ut una abs-  
que alterâ efficiat nihil. Si Deus  
nollet, impossibile esset homini  
operari salutem suam, etiam si  
hanc vellet ex parte suâ; & si ho-  
mo quoque non velit, Deus nun-  
quam operabitur salutem ipsius,  
quamvis id faciendi habeat vo-  
luntatem: requiritur concursus  
Dei & hominis, estque opus, ut  
amborum voluntates conveni-  
ant, simulque agant, alias effi-  
cietur

Kkkkk 3

cietur nihil. Posito hoc tam indubitate principio, ut nemini de eo licet dubitare.

Quid sit concurrens vel cooperatio duarum causarum. Nonnè hic est, quod quando operatur una, operetur quaque altera eodem tempore & per eandem actionem.

Ecce tibi, quid propriè & essentia-  
liter constitutus concordum, & ex-  
tra hoc nū aliud. Necessariò igitur  
concurrere nos oportet cum Iesu Christo ad opus salutis nostræ, si perfici id volumus; oportet agere cum illo, quod agit ipse ex amore nostri. Non ergo verum est, quod permettere debeamus, ipsum agere totum solum, ipsum laborare & pati totum solū abs eo, quod nostram adjicimus manum operi: cooperandum est nobis, id est, conjungere debemus nos ipsi, ut faciamus, quod facit ipse, pro salute nostrâ; alias dicere non possumus, nos vel parūm cognoscere magnas obliga-  
tiones nostras, nosque vel leviter scire, quomodo laborandum sit serio pro salute nostrâ.

Quid agis, Domine, per omnes hos labores pœnosa vitæ tuæ? Es pauper, fatigaris, jejunas, oras, consolaris, adjuvas omnes miseros, toleras injurias, contemptus, dolores, tota vita tua plena est cruce & afflictione. Ecce hæc omnia divine Redemptor: Metotum impendo ad ope-

randum salutem vestram. Age, mi amabilis Salvator; nil mihi incumbit, nisi ut agere te finam, et si ego quidquam operis non adjiciam; tu satis es potens, ut agas solus & perficias magnum hoc opus; injuriā afficerim infinitam tuam potentiam, si apponere & ipsi vellem manum. Tu satis es dives, ut suppedites solus omnem hanc summam, quæ necessaria est ad solvendum cuncta mea debita, & satisfaciendum pro omnibus meis noxis: expone-rem despectui immenses thefauros tuos, si apponere & contribuere illis aliquid vellem ex meo. Tu satis bonus es, ut ipsem solus facere velis omnia; cùm infinita ratione sis misericors; infinitam tuam offendere bonitatem, sine negotio, quod moliris ipse, meam impenderem curam; nonnisi fruendum mihi est que-  
te, tibique relinquendum totum opus salutis meæ.

Verum an ignoras, quod licet Non salvat  
principiæ tua à me dependeat <sup>Iesu Christus</sup>  
salus, non tamen dependeat à me <sup>nisi eos, qui</sup>  
unice, quodque, si operer ante te, applicare sibi  
quoque operari oporteat post me <sup>tus moris</sup> voluntatu-  
& tecum? An nescis, quod licet <sup>sua</sup>  
voluntatis meæ sit salvare om-  
nes, omnes tamen non salvem,  
sed solū eos, quorum voluntas  
concurrit & cooperatur cum  
mea; quodque nunquam aliquis  
suam operatus sit salutem, nec il-  
lam operari possit, absque eo,  
quod

Non oportet  
permittere, ut  
Iesus Christus  
laboret totus  
solum.

quod ipsemet admovet manum: nihil tu facere potes absque me, sed nec ego facere quidquam possum absque te: ego in exhaustos possideo thesauros meritorum & satisfactionum plus quam sufficientium ad solvendum debita tua, & satisfaciendum etiam superabundanter pro omnibus, hominibus, qui exire possent e nihilo per Omnipotentiam Dei: servo ipsos tibi apertos, illosque offero omnibus; nunquam tam solvi pro aliquo, nisi tantum pro iis, qui voluerunt huc suam porrigerem manum, ut solverent ipsum et unam eum e propriis bonis meis.

Verum est, praestitisse me redemptionem copiosam, magisq; abundantem, quam opus sit ad salvandum centenos millenos mundorum; sed omnia, que feci, tibi nil proderunt, nisi eorum quoque accipias partem; & partem eorum accipies nunquam, nisi cooperatus fueris tecum, id est, faciendo tecum id, quod videlicet fecisse me pro salute tua: portavi crucem, oportet hanc te quoque portare; jejunavi, ploravi, pénitentiam egī; oportet haec quoque facere, fui pauper, abjectus, persecutionibus oppressus; talem te quoque oportet existere; unicum meum negotium in terris fuit, tuā invigilare saluti, contemnendo cætera omnia velut crepundia, meque dies ac noctes omni cum charitatis fervore im-

pendendo uno huic necessario, ita te agere quoque oportet: & hoc propriè appellatur cooperari, & contribuere ex parte tua, quod debes, operis salutis tuae. Et verbo unico cooperandum est cum Salvatore tuo: sine tua enim cooperatione nunquam pertinges illuc. O quam pauci hoc capiunt idonea!

Loquimur libenter de abundanter aspiciantibus divitiis, quas Salvator ac quisivit nobis passione suā: aspiramus JESU Christum cum gaudio immensos & si, non libenter inexhaustos thesauros gratiarum, meritorum, satisfactionum, qui manus in il-

fructus sunt dolorum & mortis ipsius; & quando nobis dicitur, hæc omnia nostra esse, summo demulcemur solatio, cum divites evadamus in æternum. Sed quando admovenda est manus, ut illa nobis ipsis applicemus per actualē participationē afflictionū & laborū, qui protulerunt totum hunc ingentem thesauros, tunc sumus frigidi, sumus ignavi, retrahimus manus, nonnisi oculos habemus ad illum aspiciendum, in ipso complacemus nobis, ipsumque admiramur. Vah! quid profert hoc nobis? Quid prodesset pauperi totā vitā suā maximum quemdam asperisse thesaurem? an ex eo foret ditior? si nunquam mitteret in illum manus suas, nonnè semper maneret pauper in se ipso, aspiciens interim extra se magnas divitias, quarum nullam haberet partem.

Ita,

Non applicantur fructus Passionis Iesu Christi per solam fidem.

Ita, dices, assentior, applicanda nobis esse merita & satisfactiones Iesu Christi, ut profint nobis; sed applicare mihi cupio illa per fidem, credendo firmiter, quod Iesu Christus dederit pro me vitam suam, & sanguinem suum. Ita cupiunt & prætendunt hæretici. Sed hæretici sunt, dum credunt, quod sola fides justificet; cum stare hæc possit in anima cum peccato mortali, & hic fides sit mortua, de qua loquitur S. Jacobus, quæ dare non potest vitam, quam non habet. Sed cœci sunt, dum credunt, fidem esse veluti manum, quæ accipiat id, quod credit, ad attrahendum illud ad se, illudque sibi appropriandum. Si non nisi credenda forent bona spiritualia vel corporalia ad postulendum illa, levi admodum haberentur pretio, & nemo restineret pauper: fides non consistit nisi in credendo veritates, quas Deus revelat nobis; jam ipse non revelavit tibi, quod merita Passionis suæ tibi sint applicata: quando tibi revelaverit, potes id credere; & tunc applicata tibi non erunt; eoque id credas; sed credes, quia tibi erunt applicata.

Non, nolo hunc modum applicationis meritorum Redemptoris mei per fidem; probè novi, illam non esse, nisi deceptionem hæretorum; sed cupio applicare mihi illa per spem & magnam quandam fiduciam in infinitam

ipsius bonitatem: novi, quod amet me; novi, quod dives sit in misericordia; novi, quod, qui-cunque speraverit in illo, non confundatur; novi denique, quod, cum mortuus sit pro me in Cruce, nolit me mori æternum in inferno. Sic Libertini & ignavi, qui semper dormire volunt in peccatis suis, colligere prætendunt fructus Passionis Iesu Christi per falsam & fraudulentam spem, quæ veræ præsumptionis non evadit notam: prætendunt, se posse esse malos cum omni securitate, eoque Deus bonus sit; sibi metendum non esse de peccatis suis præteritis, eoque Iesu Christus pro iis per mortem suam satisficerit: dicunt quoque, se deinceps committere noxas posse, quotquot voluerint, eoque jam multo plus is solverit, quam fuerit opus ad satisfaciendum pro illis. O Deus! Nonne hoc est illudere Deo, & habere despiciatui infinitum pretium Redemptionis mundi?

Verum per hæc omnia non dicceris cooperari saluti tuæ: ex adverso hæretici non invenerunt applicationem suam per fidem, & Libertini per imaginariam fiduciam suam, nisi ut liberarent se ab operatione & cooperatione per bona opera & molesta pœnitentia exercitia. Jam necessarium cooperandum est tibi ad opus salutis tuæ, alias perficietur id nunquam;

Oportet operari cum Iesu Christo.

Non applicantur merita Iesu Christi per solam spem.

quam; & qui dicit, cooperari (id quod Verbum innuit) operari debet conjunctim cum alio, qui operatur, & debet amborum, ejus, qui operatur, & illius, qui cooperatur nonnisi eadem esse actio, nonnisi idem opus. Jam Iesu Christi est, operari salutem tuam, mereri, satisfacere, efficerre reconciliationem tuam cum Deo Patre suo; sed tuum est, cooperari cum ipso, ut ex concursu ipsius & tuo non fiat, nisi una eadēque actio, nonnisi unus idēque effectus, qui pertineat ad ambos; eōquod ambo concurrant in ipso producendo, & quilibet ad hunc contribuat ex parte sua.

Quā ratione & quo sensu debeat omnis homo ex parte sua ipsius. Et per hanc regulam, quae certissima est, verum est dicere, quod, si ipse operetur salutem tuam, tu opereris illam quōque cum illo; si ipse te redimat, tu quōque ratione quādam redimas te ipsum; si ipse mereatur, tu pariter merearis; si ipse satisfaciat, tu quōque facias satis; si ipsius merita, ipsiusque satisfactiones spectent ad ipsum eōquod producat illas velut causa principalis, spectent ipsae quōque ad te, eōquod producas illas cum ipso, velut causa minus principalis; sed causa nihilominus realissima, quae verum

præbeat concursum, ad producendum magnum hunc effectum. Verum est, quod omnia, quæ supernaturalia hic sunt, divina & valoris infiniti in his omnibus, proficiscantur ab ipso solo; & ideo salus peccatorum non attribuitur nisi ipsi soli; sed verum quōque est, quod, dum exhibet tibi gratiam, tēque associat sibi ad productionem actionum sanctorum, quibus conjunguntur merita & divinæ satisfactiones ipsius, dici possit, hæc esse propria tua merita, proprias satisfactiones tuas; sive te ipsum esse ratione quādam, qui opereris salutem tuam, te ipsum, qui merearis, qui satisfacias pro peccatis tuis, quamvis id nunquam sit, nisi in Iesu Christo, & per Iesum Christum, sine quo nil potes facere.

Probè video, fatebatur noster Proselythus, mē deceptum esse, quodque non sufficiat credere, vel confidere in misericordias Domini, vivendo otiosè, quodque necessarium sit cooperari cum Iesu Christo & contribuire operi salutis nostræ. Sed nondum intelligo, in quo consistat hæc cooperatio. Dicam tibi, audi & intellige benè.

Lllli

ARGU.